

Comerciantenan den Caya Betico Croes ta pidi accion urgente

ORANJESTAD - Den un carta cu ODA (Oranjestad Downtown Association) a manda pa gobierno riba 9 di November 2016, ta para cu e anuncio pa 'flexibilisa' e maneho di parkeer-meter ta mucho poco y tambe mucho laat.

Bon Dia Aruba a logra haya copia di e carta aki cu aworaki ta circulando Online, y como a wordo publica via NoticiaCla.com, e carta ta un apelacion na gobierno pa actua de inmediato pa evita un cierre total di Caya Betico Croes anto cuminsa introduci solucionnan cu cuater paso urgente, indicando cu e dañonan a wordo haci caba.

4 Punto:

- Elimina Parkeermeter completamente
 - Elimina tram y habri Caya Betico Croes pa trafico
 - Introduccion di un moratorium riba negoshi pafo di Caya Betico Croes
 - Introduci incentivo fiscal pa atrae mas negoshi bek pa Caya Betico Croes
- E carta a wordo firma pa cuater comerciante di tiendanan Mango, Maggy's, Benetton & La Linda. E carta ta indica cu no tin luho mas di tempo anto cu mester actua inmediatamente.

Bon Dia Aruba ta bay keda pendiente cu e desaroyo di esaki mirando cu nos a haci un encuesta e aña aki den Caya Betico Croes unda varios comerciante a vocifera nan preocupacion. Den e prome lunanan di e aña aki, varios



comerciante a bisa Bon Dia Aruba cu nan por a constata un baho den benta entre 20 pa 50% y mas, mientras, varios otro negoshi mester a sali for di caya te hasta cera nan

portanan. Comerciantenan y situacion den Caya Betico Croes Den nos encuesta algun luna pasa den Caya Betico Croes, algun cos cu Bon Dia Aruba a

constata tabata: Comerciante di Punto Moda ta conta Bon Dia cu nan benta a baha te na 80% anto cu e ta hopi dificil pa nan te cu nan hasta ta pensando un otro caminda pa realoca e tienda. Nan ta haya si cu manera henter e construccion y introduccion di tram a cuminsa ta ora cu nan problemanan a cuminsa tambe. Bisiña na man robes, comerciante di Alankar ta splica Bon Dia cu su bentanen a baha alo menos 60%, e tin dos trahado fiho anto otro cu ta traha vakantie job y ta splica Bon Dia cu ya caba e mester a despedi un empleado pa motibo di con malo economia ta bayendo.

La Aruba ta conta Bon Dia cu nan ta perhudica pa tur banda

pa motibo cu pa prome no tin meternan di parkeer cerca di nan pues hopi di nan cliente ta haya problema cu esaki, anto den general henter e asunto di parkeer tin nan hopi preocupa pa motibo cu nan cliente no tin caminda pa para nan auto. Nan ta pidi pa sikiera un parkeerplaats wordo traha den nan cercania pa e comerciantenan den e area por haci uzo di dje. Nan benta a cay entre 70 pa 80% y nan ta den un situacion basta malo caba cu ta andando desde 3 pa 4 aña caba.

Den April 2015 edificio di Sagar y Simply Shoes a wordo destrui pa un candela cu a dura casi 4 ora largo pa Brandweer por a domina. Ainda por mira e daño haci na e edificio aki cu ta duna un mal bista. Adictonan ambulante ta cana tur caminda den Caya Betico Croes y ainda no tin un yudansa pa nan. Tin hopi keho di comerciantenan cu ta bisa cu nan ta spanta turista y haci fastioso cu cliente. Nan ta spanta turista pa motibo cu mayoria bialha nan ta cana rond ta papiando, gritando y discutiendo cu nan mes bao di influencia di droga of alcohol.

Varios negoshi a cera y ora cu bo cana den Caya Betico Croes ta hopi edificio bashi bo lo topa cu nan. Vandalismo ta wordo haci riba nan y segun otro comerciantenan esaki tambe ta aporta na un mal bista pa caya y ta parce un desierto tin dia ora cu casi no tin hende mes.